

# 須須神社緣起

北海能芴珠洲三崎兩座之靈社者、爲我豐葦原中國東北鬼門之守護神矣、

天照大神勅、鹿島明神主東方、熊野權現主南方、

四神主四方、大社之神主西方、三崎權現主北方、

恭惟、

高座宮者天照太神之皇孫天津彥彥火瓊々杵尊也、本朝開闢地神第三之聖皇也、

金分明神者大山祇神之女木花開耶姬命也、

天照太神皇子有正哉吾勝々速日天忍穗耳尊、娶高皇產靈尊、女栲

幡千々姬生天津彥彥火瓊々杵尊、初瓊々杵尊降筑紫日向高千穗

穗觸之峰云云、到於吾田長屋笠狹之崎矣、其地有一人、自號事勝國、

長狹瓊々杵尊問曰國在耶以否對曰此焉有國請任意遊之故皇孫

就而留住時有美人名曰鹿葦津姬亦名神吾田津姬皇孫問此美人汝

誰之女耶對曰妾是天神娶大山祇神所生兒也皇孫因而幸之即一

夜而有娠見日本記以是見之

神代卷

高座金分兩宮之靈社者實夫婦配偶之神也且相傳謂此神御宇宙

之時惡鬼邪神一日天魔波旬從東北鬼門來大傷害天下之黎民欲使國土

消滅也此時大日靈神即天照太神也集會八百万神以欲誅伏邪神妖鬼便

勅瓊々杵尊使降伏之尊承大日靈神之命敗邪神遂成其功也於是

天下安泰而毗人靜謐也大日靈神再命為東北方之守護神當時尊

降御鈴以鎮於此地故曰珠洲鈴字和訓須須珠洲二字音相近故號珠洲且又號三崎者此

浦有三嶋三崎相並而在海中故有三崎之名三島者姬島神島鬼島是也或曰有間崎宿崎金剛崎

其後崇神天皇御宇尊始遷于此山矣王公士庶尊崇之餘草創堂宇

以安置焉、欽明天皇二年辛酉再建、元正天皇養老元年丁巳、暨後冷

泉院康平四年辛丑、並大再興、運成風斧、經營樓閣、山中之風景天下

之壯觀也、後二條院德治元年丙午又改作、相傳瓊々杵尊嘗討邪神時乘鹿或作獅子行軍事、

其後彼鹿化為石、今大泊巖是也、且入高座社之時、問曰、鹿居歟、浦人

誤認為江豚魚、居歟和訓伊留賀、江豚和訓相同、故誤為魚名、此浦自古江豚最多、因以為此神之

使者、三崎人民忌之而不喰焉、若犯之則為癩狂癩瘡等之病、不至于

死者殆少、按使者所謂八幡之鳩、日吉之猿、氣比之鷲、稻荷之狐、大社之蛇、春日之鹿等之類是也、右舊記之所載大率如此、

其經霜雪也最久而緣起之書類頗放失也、是故輯古老之所記探人

民之所傳、以別為補遺如左也、後來有志於神道者其諒察焉、

日本紀曰、高皇產靈尊遂欲立皇孫天津彥々火瓊々杵尊以為葦原

中國之主、然彼地多有螢火光神及蠅聲邪神、復有草木咸能言語、故

高皇產靈尊召集八十諸神而問之曰、吾欲令撥平葦原中國之邪鬼、

(遣)

當遣誰者宜也、惟爾諸神勿隱所知、僉曰天穗日命是神之傑也、可不

試歟、於是俯順衆言、即以天穗日命往平之、然此神佞媚於大己貴神、

比及三年、尙不報聞、故遣其子大背飯三熊之大人、亦名武三熊大人、

此還順其父、遂不報聞、故高皇產靈尊更會諸神、問當遣者、云云、僉曰經

津主神是將住也、云云、武甕槌神此曰、豈唯經津主神獨爲丈夫、而吾

非丈夫哉、其辭氣慷慨、故以即配經津主神、令平葦原中國、二神於是

降到出雲國五十田狹小汀、云云、於是二神誅諸不順鬼神等、果以復

命于時、高皇產靈尊以眞床追衾覆於皇孫天津彥彥火瓊々杵尊、使

降之、皇孫乃離天磐座、且排分天八重雲、稜威之道、別道別而、天降於

日向襲之高千穗峯矣、古語拾遺曰、天照太神高皇產靈尊崇養皇孫

欲降爲豐葦原中國主、仍遣經津主神武甕槌神、於是大己貴神及其

子事代主神、並皆奉避、仍以平國矛授二神、曰、吾以此矛卒有治功、大

(今カ)

孫若用此矛治國者、必當平安、令我將隱去矣、辭訖遂隱、於是二神誅  
伏諸不順鬼神等、果以復命、于時天祖天照太神高皇產靈尊乃相語  
曰、夫葦原瑞穗國者吾子孫可王之地、皇孫就而治、寶祚之隆當與天  
壤无窮矣、

誅伐邪神而降於瓊瓊杵尊、是當為拂邪神之守護也、

源義經奧州下向之時、適阻風波難於船中、祈此神矣、俄而風波始定、  
舳艫無恙也、於是寄附梵竹之橫竹、以賽明神也、彼笛今尚在焉、

神主

船木大宮司

万治之三載夏之孟吉辰

猿女君友胤

大正十三年三月十日印刷  
大正十三年三月十五日發行

著 者

植 木 直 一 郎

東京市赤坂區青山北町六丁目五十番地

發 行 者

猿 女 幸 雄

石川縣珠洲郡三崎村字寺家ノ壹番地

印 刷 者

大 村 重 松

石川縣金澤市高岡町九十番地

印 刷 所

明 治 印 刷 株 式 會 社

石川縣金澤市高岡町九十番地

發 行 所 須 須 神 社 社 務 所

石川縣能登國珠洲郡三崎村